

# საქართველოს იუსტიციის მინისტრის

ბრძანება №16

2014 წლის 25 მარტი

ქ. თბილისი

## საჯარო სამართლის იურიდიული პირის – დანაშაულის პრევენციის ცენტრის დებულების დამტკიცების შესახებ

„საქართველოს იუსტიციის სამინისტროს დებულების დამტკიცების შესახებ“ საქართველოს მთავრობის 2013 წლის 30 დეკემბრის №389 დადგენილებით დამტკიცებული დებულების მე-5 მუხლის მე-2 პუნქტის „ტ“ ქვეპუნქტისა და „საქართველოს იუსტიციის სამინისტროს მმართველობის სფეროში საჯარო სამართლის იურიდიული პირების დაფუძნების შესახებ“ საქართველოს მთავრობის 2014 წლის 13 მარტის №227 დადგენილების მე-2 მუხლის შესაბამისად, ვბრძანებ:

1. დამტკიცდეს საჯარო სამართლის იურიდიული პირის – დანაშაულის პრევენციის ცენტრის დებულება, თანდართული რედაქციით.
2. ძალადაკარგულად გამოცხადდეს „საჯარო სამართლის იურიდიული პირის - დანაშაულის პრევენციის და ინოვაციური პროგრამების ცენტრის დებულების დამტკიცების შესახებ“ საქართველოს იუსტიციის მინისტრის 2012 წლის 6 სექტემბრის №154 ბრძანება.
3. ეს ბრძანება ამოქმედდეს გამოქვეყნებისთანავე.

საქართველოს იუსტიციის მინისტრი

თეა წულუკიანი

## საჯარო სამართლის იურიდიული პირის – დანაშაულის პრევენციის ცენტრის დებულება

### მუხლი 1. ზოგადი დებულებანი

1. საჯარო სამართლის იურიდიული პირი – დანაშაულის პრევენციის ცენტრი (შემდგომში – ცენტრი) არის საქართველოს იუსტიციის სამინისტროს (შემდგომში - სამინისტრო) მმართველობის სფეროში მოქმედი, საქართველოს მთავრობის დადგენილებით დაფუძნებული საჯარო სამართლის იურიდიული პირი. ცენტრი არის „საჯარო სამართლის იურიდიული პირის - დანაშაულის პრევენციისა და ინოვაციური პროგრამების ცენტრის შექმნის შესახებ“ საქართველოს პრეზიდენტის 2012 წლის 4 სექტემბრის №779 ბრძანებულებით შექმნილი „საჯარო სამართლის იურიდიული პირის - დანაშაულის პრევენციისა და ინოვაციური პროგრამების ცენტრის სამართალმემკვიდრე.
2. ცენტრი თავის საქმიანობაში ხელმძღვანელობს საქართველოს კონსტიტუციით, საერთაშორისო ხელშეკრულებებითა და შეთანხმებებით, საკანონმდებლო აქტებით, საქართველოს მთავრობის და სხვა კანონქვემდებარე ნორმატიული აქტებით.
3. ცენტრი საკუთარი სახელით იძენს უფლებებსა და მოვალეობებს, დებს გარიგებებს და შეუძლია გამოვიდეს სასამართლოში მოსარჩელედ ან მოპასუხედ.
4. ცენტრს აქვს დამოუკიდებელი ბალანსი, საბანკო ანგარიში, ემბლემა, ბეჭედი და იურიდიული პირის სხვა რეკვიზიტები.
5. ცენტრის იურიდიული მისამართია: ქ.თბილისი, წერეთლის გამზირი №8.  
საქართველოს იუსტიციის მინისტრის 2019 წლის 15 ივლისის ბრძანება №433 - ვებგვერდი, 16.07.2019 წ

### მუხლი 2. ცენტრის მიზნები და ფუნქციები

1. ცენტრის მიზნებია:
  - ა) კომპეტენციის ფარგლებში დანაშაულის პრევენცია;
  - ბ) არასრულწლოვან ყოფილ პატიმართა რეაბილიტაცია და რესოციალიზაცია;
  - გ) მედიაციის ინსტიტუციონალური განვითარება.
2. ამ მუხლის პირველი პუნქტით გათვალისწინებული მიზნების მისაღწევად ცენტრის ფუნქციებია:
  - ა) დანაშაულის პირველად პრევენციასთან დაკავშირებული ღონისძიებების გატარება; რისკის ქვეშ მყოფ ჯგუფებთან მუშაობა;
  - ბ) არასრულწლოვან ყოფილ პატიმართა რეაბილიტაციისა და რესოციალიზაციის არსებული პროგრამების ფარგლებში რეფერალის სისტემის შემუშავება, შესაბამისი დახმარების აღმოჩენა და დანაშაულის რეციდივის თავიდან აცილების ხელშეწყობა;
  - გ) (ამოღებულია - 15.07.19 №433).
  - დ) განრიდების პროგრამის მართვა და განვითარება;
  - ე) მედიაციის, როგორც აღდგენითი მართლმსაჯულების ინსტრუმენტის, ინსტიტუციონალური განვითარებისათვის



შესაბამისი ღონისძიებების განხორციელება;

ვ) კომპეტენციის ფარგლებში, სამინისტროს სხვა სტრატეგიული მნიშვნელობის მქონე და ინოვაციური პროექტების განხორციელება.

3. ცენტრს თავისი მიზნებისა და ფუნქციების განსახორციელებლად, სამინისტროს თანხმობით, კანონმდებლობით დადგენილი წესით, შეუძლია დააფუძნოს არასამეწარმეო (არაკომერციული) იურიდიული პირი.

საქართველოს იუსტიციის მინისტრის 2015 წლის 13 ივლისის ბრძანება №81 - ვებგვერდი, 13.07.2015წ.

საქართველოს იუსტიციის მინისტრის 2016 წლის 30 დეკემბრის ბრძანება №213 - ვებგვერდი, 30.12.2016 წ.

საქართველოს იუსტიციის მინისტრის 2019 წლის 27 მარტის ბრძანება №390 - ვებგვერდი, 27.03.2019 წ.

საქართველოს იუსტიციის მინისტრის 2019 წლის 8 მაისის ბრძანება №402 - ვებგვერდი, 08.05.2019 წ.

საქართველოს იუსტიციის მინისტრის 2019 წლის 30 მაისის ბრძანება №412 - ვებგვერდი, 30.05.2019წ.

საქართველოს იუსტიციის მინისტრის 2019 წლის 7 ივნისის ბრძანება №417 - ვებგვერდი, 07.06.2019წ.

საქართველოს იუსტიციის მინისტრის 2019 წლის 28 ივნისის ბრძანება №425 - ვებგვერდი, 28.06.2019წ.

საქართველოს იუსტიციის მინისტრის 2019 წლის 15 ივლისის ბრძანება №429 - ვებგვერდი, 15.07.2019 წ.

საქართველოს იუსტიციის მინისტრის 2019 წლის 15 ივლისის ბრძანება №433 - ვებგვერდი, 16.07.2019 წ.

### **მუხლი 3. ცენტრის ხელმძღვანელობა**

1. ცენტრს ხელმძღვანელობს დირექტორი, რომელსაც თანამდებობაზე ნიშნავს და თანამდებობიდან ათავისუფლებს საქართველოს იუსტიციის მინისტრი (შემდგომში - მინისტრი).

2. (ამოღებულია - 15.07.19 №433).

3. დირექტორის მოადგილე დირექტორის გადაწყვეტილებით კურირებს მისთვის მიკუთვნებულ სფეროს. მოადგილის უფლებამოსილება განისაზღვრება დირექტორის ბრძანებით.

4. (ამოღებულია - 15.07.19 №433).

5. დირექტორის არყოფნის ან მის მიერ სამსახურებრივი უფლებამოსილების განხორციელების შეუძლებლობის შემთხვევაში, დირექტორის მოვალეობას ასრულებს მინისტრის ბრძანებით განსაზღვრული, ცენტრის ერთ-ერთი სტრუქტურული ქვედანაყოფის უფროსი.

საქართველოს იუსტიციის მინისტრის 2019 წლის 15 ივლისის ბრძანება №433 - ვებგვერდი, 16.07.2019 წ.

### **მუხლი 4. ცენტრის დირექტორი**

ცენტრის დირექტორი:

ა) ხელმძღვანელობს და წარმართავს ცენტრის საქმიანობას;

ბ) წარმოადგენს ცენტრს დაკისრებული უფლება-მოვალეობების განხორციელებისას და პასუხისმგებელია მისი ფუნქციებისა და ამოცანების შესრულებაზე;

გ) საჭიროების შემთხვევაში, ხელშეკრულების საფუძველზე, იწვევს სპეციალისტებს კონკრეტული საქმიანობის განხორციელების მიზნით;

დ) თანამდებობაზე ნიშნავს და ათავისუფლებს ცენტრის თანამშრომლებს;

ე) ცენტრის თანამშრომლების მიმართ გამოიყენებს წახალისებისა და დისციპლინური პასუხისმგებლობის ზომებს;

ვ) კომპეტენციის ფარგლებში, კანონმდებლობის შესაბამისად, ხელს აწერს საბიუჯეტო და ბუღალტრულ დოკუმენტაციას, სახელმწიფო შესყიდვების ფარგლებში შედგენილ შესაბამის დოკუმენტებს, მიღება-ჩაბარების აქტებს, საგადასახადო ანგარიშ-ფაქტურებსა და სასაქონლო ზედნადებებს;

ზ) კანონმდებლობის შესაბამისად გამოსცემს ინდივიდუალურ ადმინისტრაციულ-სამართლებრივ აქტებს;

თ) ხელს აწერს ან ვიზირებას უკეთებს ცენტრში მომზადებულ დოკუმენტებს;

ი) ამტკიცებს ცენტრის შინაგანაწესს;

კ) ანაწილებს მოვალეობებს ცენტრის თანამშრომლებს შორის, აძლევს მათ მითითებებსა და დავალებებს, აკონტროლებს თანამშრომელთა მიერ სამსახურებრივი მოვალეობების შესრულებას;

ლ) განსაზღვრავს თანამშრომელთა თანამდებობრივ სარგოსა და მის კატეგორიებს;

მ) ამტკიცებს ცენტრის ბეჭდებისა და შტამპების ფორმას;

ნ) ცენტრში სტაჟირების გავლის მიზნით, ნიშნავს და ათავისუფლებს ცენტრის სტაჟორებს;

ო) (ამოღებულია - 15.07.19 №433).

პ) სამინისტროს გენერალური ინსპექციის მიერ სამსახურებრივი შემოწმების შედეგების საფუძველზე წარდგენილი დასკვნის შესაბამისად, იყენებს დისციპლინური პასუხისმგებლობის ღონისძიებას დისციპლინური გადაცდომის ჩამდენი პირის მიმართ;

ჟ) ახორციელებს კანონმდებლობით გათვალისწინებულ სხვა უფლებამოსილებებს.

საქართველოს იუსტიციის მინისტრის 2019 წლის 15 ივლისის ბრძანება №433 - ვებგვერდი, 16.07.2019 წ.

### **მუხლი 5. ცენტრის სტრუქტურა**

ცენტრის სტრუქტურული ქვედანაყოფებია:

ა) ორგანიზაციული უზრუნველყოფის სამმართველო;

ბ) არასრულწლოვანთა დანაშაულის პრევენციის სამმართველო;

გ) განრიდებისა და მედიაციის სამმართველო.

საქართველოს იუსტიციის მინისტრის 2019 წლის 27 მარტის ბრძანება №390 - ვებგვერდი, 27.03.2019 წ.

საქართველოს იუსტიციის მინისტრის 2019 წლის 8 მაისის ბრძანება №402 - ვებგვერდი, 08.05.2019 წ.

საქართველოს იუსტიციის მინისტრის 2019 წლის 30 მაისის ბრძანება №412 - ვებგვერდი, 30.05.2019წ.

საქართველოს იუსტიციის მინისტრის 2019 წლის 7 ივნისის ბრძანება №417 - ვებგვერდი, 07.06.2019წ.

საქართველოს იუსტიციის მინისტრის 2019 წლის 28 ივნისის ბრძანება №425 - ვებგვერდი, 28.06.2019წ.

საქართველოს იუსტიციის მინისტრის 2019 წლის 15 ივლისის ბრძანება №429 - ვებგვერდი, 15.07.2019 წ.



## **მუხლი 5 . ორგანიზაციული უზრუნველყოფის სამმართველო**

ორგანიზაციული უზრუნველყოფის სამმართველო უზრუნველყოფს:

- ა) ცენტრის თანამშრომელთა დადგენილი წესის შესაბამისად დანიშვნის, სამსახურებრივი გადაადგილების (გადაყვანის), გათავისუფლების, წახალისების და დისციპლინური პასუხისმგებლობის ღონისძიების გამოყენების, შვებულებისა და მივლინების შესახებ ბრძანებების პროექტების მომზადებას; თანამშრომელთა პირადი საქმეების შედგენასა და წარმოებას;
- ბ) დადგენილი წესის შესაბამისად, კონკურსთან და სტაჟირებასთან დაკავშირებული საკითხების ორგანიზებას;
- გ) თანამშრომელთა სამუშაო აღწერილობების მომზადებას, სამსახურებრივი მოვალეობებისა და სამუშაოს შესრულების შეფასების კრიტერიუმების დადგენას;
- დ) შინაგანაწესის შემუშავებასა და მის შესრულებაზე კონტროლის განხორციელებას; თანამშრომელთა მიერ შრომის დისციპლინის დაცვის კონტროლს;
- ე) ცენტრში ოფიციალურად შემოსული და გასული კორესპონდენციის დამუშავებას, რეგისტრაციასა და დროულად მიწოდებას ცენტრის ხელმძღვანელობისთვის; დირექტორის ბრძანებების რეგისტრაციას;
- ვ) საჯარო ინფორმაციის ხელმისაწვდომობას; ცენტრის მიერ დაგეგმილი და განხორციელებული საქმიანობების გაშუქებას, საზოგადოებასა და მედიასთან ურთიერთობას;
- ზ) ცენტრის ბიუჯეტის პროექტის შემუშავებას და საბუღალტრო აღრიცხვის ორგანიზებას; ყოველკვარტალური და წლიური ბიუჯეტის, ასევე ბიუჯეტგარეშე სახსრების ხარჯთანუსხის შესრულების ანგარიშის (ბალანსის) შედგენას და მის წარდგენას შესაბამის სამსახურებში;
- თ) ორგანიზაციებთან და ცალკეულ პირებთან წარმოშობილ ანგარიშსწორებათა აღრიცხვას; სალაროს მუშაობაზე კონტროლს; სახაზინო და საბანკო ოპერაციების წარმოებას კანონმდებლობის შესაბამისად; თანამშრომელთა ხელფასების დარიცხვასა და გაცემას;
- ი) წლიური საბიუჯეტო კანონით დამტკიცებული ასიგნებების ფარგლებში, „სახელმწიფო შესყიდვების შესახებ“ საქართველოს კანონითა და შესაბამისი ნორმატიული აქტებით დადგენილი წესების დაცვით, სახელმწიფო შესყიდვების პროცედურების ორგანიზებას და, კანონმდებლობის შესაბამისად, ხელშეკრულების მომზადებასა და გაფორმებას;
- კ) ცენტრის კომუნალური და სხვა მომსახურებით, აგრეთვე, მატერიალურ-ტექნიკური საშუალებებით უზრუნველყოფის ორგანიზებას; ბალანსზე რიცხული არაფინანსური აქტივების ინვენტარიზაციას, დაცვასა და სასაწყობო მეურნეობის სწორად წარმართვას;
- ლ) ორგანიზაციული სახის სხვა საქმიანობას.

*საქართველოს იუსტიციის მინისტრის 2019 წლის 27 მარტის ბრძანება №390 - ვებგვერდი, 27.03.2019 წ.*

*საქართველოს იუსტიციის მინისტრის 2019 წლის 8 მაისის ბრძანება №402 - ვებგვერდი, 08.05.2019 წ.*

*საქართველოს იუსტიციის მინისტრის 2019 წლის 30 მაისის ბრძანება №412 - ვებგვერდი, 30.05.2019წ.*

*საქართველოს იუსტიციის მინისტრის 2019 წლის 7 ივნისის ბრძანება №417 - ვებგვერდი, 07.06.2019წ.*

*საქართველოს იუსტიციის მინისტრის 2019 წლის 28 ივნისის ბრძანება №425 - ვებგვერდი, 28.06.2019წ.*

*საქართველოს იუსტიციის მინისტრის 2019 წლის 15 ივლისის ბრძანება №429 - ვებგვერდი, 15.07.2019 წ.*

## **მუხლი 5<sup>2</sup>. არასრულწლოვანთა დანაშაულის პრევენციის სამმართველო**

არასრულწლოვანთა დანაშაულის პრევენციის სამმართველო უზრუნველყოფს:

- ა) არასრულწლოვან ყოფილ პატიმართათვის საჭირო სერვისების იდენტიფიკაციას და არსებული სერვისების შესახებ მათ ინფორმირებას, ცენტრისადმი მომართვიანობის გაზრდას, მათ შორის, პენიტენციურ დაწესებულებებში რეგულარული ვიზიტების განხორციელების გზით;
- ბ) არასრულწლოვანი ყოფილი პატიმრების მომართვიანობის აღრიცხვა/გადანაწილებას, მონაცემთა დამუშავებასა და ანალიზს, ბენეფიციარების შეფასებას, მათი საჭიროებების გამოკვეთას, ბენეფიციარების და/ან მათი ოჯახის წევრებისთვის საჭიროებებზე მორგებული სერვისების მიწოდებასა და პროცესის მონიტორინგს;
- გ) არასრულწლოვანი ყოფილი პატიმრების დასაქმების მიზნით, სოციალური საწარმოების შექმნისა და ეფექტური ფუნქციონირების ხელშეწყობას.
- დ) სატრენინგო მოდულების შექმნას, ტრენინგ-სემინარების დაგეგმვასა და განხორციელებას;
- ე) პროგრამაში ჩართული სპეციალისტების მუშაობის ერთიანი სტანდარტების დანერგვასა და განვითარებას, პროფესიული ზრდის ხელშეწყობასა და მათ საქმიანობაზე ზედამხედველობას;
- ვ) არასრულწლოვან ყოფილ პატიმართა რეაბილიტაციისა და რესოციალიზაციის სახელმწიფო სტრატეგიისა და სამოქმედო გეგმების შემუშავებაში აქტიურ მონაწილეობას;
- ზ) დანაშაულის პირველი დონის პრევენციის მიზნით, 14 წლიდან 21 წლამდე ასაკის ახალგაზრდებში ჯანსაღი ცხოვრების წესის პოპულარიზაციას, მათთვის კულტურულ-შემოქმედებითი ინიციატივების განვითარებას და დამოუკიდებელი აზროვნების ჩამოყალიბებას; სხვადასხვა ასაკობრივ ჯგუფებზე ორიენტირებული პროგრამების შემუშავებასა და განხორციელებას სპორტის, ხელოვნებისა და კულტურის, განათლებისა და მეცნიერების, არაფორმალური განათლებისა და მოხალისეობის მიმართულებით; მოხალისეობრივი კულტურის პოპულარიზაციასა და დანერგვას;
- თ) პირველი დონის პრევენციის აქტივობებში ცენტრის სხვა ბენეფიციარების, მათ შორის, არასრულწლოვანი ყოფილი პატიმრების ოჯახის წევრების, ჩართულობის უზრუნველყოფას;
- ი) დანაშაულის პირველი დონის პრევენციაზე მიმართული საქმიანობების პოპულარიზაციას და მათში მოქალაქეთა ჩართულობის გაზრდას; შესაბამის საქმიანობაში ჩართული ახალგაზრდების პროფესიულ გადამზადებას;
- კ) დანაშაულის პირველი დონის პრევენციაზე მომუშავე ადგილობრივ და საერთაშორისო ორგანიზაციებთან ურთიერთთანამშრომლობის გაზრდას;
- ლ) მეორე დონის პრევენციის პროგრამების/პროექტების შემუშავებასა და განხორციელებას;





საქართველოს იუსტიციის მინისტრის 2019 წლის 30 მაისის ბრძანება №412 - ვებგვერდი, 30.05.2019წ.  
საქართველოს იუსტიციის მინისტრის 2019 წლის 7 ივნისის ბრძანება №417 - ვებგვერდი, 07.06.2019წ.  
საქართველოს იუსტიციის მინისტრის 2019 წლის 28 ივნისის ბრძანება №425 - ვებგვერდი, 28.06.2019წ.  
საქართველოს იუსტიციის მინისტრის 2019 წლის 15 ივლისის ბრძანება №429 - ვებგვერდი, 15.07.2019 წ.

### **მუხლი 12<sup>1</sup>. ამოღებულია**

საქართველოს იუსტიციის მინისტრის 2015 წლის 13 ივლისის ბრძანება №81 - ვებგვერდი, 13.07.2015წ.  
საქართველოს იუსტიციის მინისტრის 2016 წლის 30 დეკემბრის ბრძანება №213 - ვებგვერდი, 30.12.2016 წ.

### **მუხლი 13. ცენტრის ქონება**

1. ცენტრს ქონება გადაეცემა კანონმდებლობით დადგენილი წესით.
2. ცენტრის ქონებას შეადგენს ძირითადი საბრუნავი საშუალებები, აგრეთვე სხვა მატერიალური ფასეულობა და ფინანსური რესურსები.

### **მუხლი 14. ცენტრის ფინანსები**

ცენტრის დაფინანსების წყაროებია:

- ა) შესაბამისი ბიუჯეტიდან გამოყოფილი მიზნობრივი სახსრები;
- ბ) ხელშეკრულების საფუძველზე შესრულებული სამუშაოდან მიღებული შემოსავალი;
- გ) მიზნობრივი კრედიტები და გრანტები;
- დ) საქართველოს კანონმდებლობით ნებადართული სხვა შემოსავლები.

### **მუხლი 15. ცენტრის სახელმწიფო კონტროლი**

1. ცენტრის სახელმწიფო კონტროლს ახორციელებს სამინისტრო, რომელიც ზედამხედველობს ცენტრის საქმიანობის კანონიერებას, მიზანშეწონილობასა და ეფექტიანობას, აჩერებს ან აუქმებს მის არამართლზომიერ გადაწყვეტილებას.
2. ცენტრი ვალდებულია კანონმდებლობით დადგენილი წესით აწარმოოს საფინანსო-ეკონომიკური საქმიანობის აღრიცხვა-ანგარიშგება, შეადგინოს ბალანსი და წარუდგინოს სამინისტროს.
3. ცენტრმა, მაკონტროლებელი ორგანოს თანხმობით, შესაძლებელია განახორციელოს შემდეგი ქმედებები:
  - ა) უძრავი ქონების შეძენა, ცენტრის საკუთრებაში არსებული ქონების გასხვისება და დატვირთვა;
  - ბ) სესხის აღება;
  - გ) თავდებობა;
  - დ) სამტატო განრიგისა და ხელფასის ფონდის განსაზღვრა;
  - ე) თანამშრომელთა მატერიალური წახალისებისათვის გამოსაყოფი სახსრების, აგრეთვე ცენტრის მიერ შესაძენი საწვავისა და გასაწევი საკომუნიკაციო ხარჯების ლიმიტების განსაზღვრა;
  - ვ) სხვა გადაწყვეტილებები ცენტრის ქონებასთან დაკავშირებით, თუ ისინი სცილდება ჩვეულებრივი საქმიანობის ფარგლებს.
4. ამ მუხლის მე-3 პუნქტის „ბ“ და „გ“ ქვეპუნქტებით გათვალისწინებულ ქმედებათა განსახორციელებლად აგრეთვე აუცილებელია საქართველოს ფინანსთა სამინისტროს თანხმობა.
5. ცენტრის წლიურ ბალანსს ამოწმებს სამინისტროს მიერ დანიშნული დამოუკიდებელი აუდიტორი.

### **მუხლი 16. ცენტრის რეორგანიზაცია და ლიკვიდაცია**

ცენტრის რეორგანიზაცია/ლიკვიდაცია ხორციელდება კანონმდებლობით დადგენილი წესით.

